



Na osnovu člana 8. stav (1) i člana 13. stav (1) i stav (2) tačka 18) Zakona o principima lokalne samouprave u FBiH („Službene novine FBiH“, br. 49/06 i 51/09) i člana 19. stav (1) tačka 4), člana 141. stav (1) i stav (2) i člana 142. stav (1) tačka 5) Statuta Općine Novo Sarajevo („Službene novine Kantona Sarajevo“, br. 5/20 - Prečišćeni tekst i 20/20 - Ispravka) Općinsko vijeće Novo Sarajevo, na 7. redovnoj sjednici održanoj dana 31.07.2025. godine donosi

ODLUKU
O UTVRĐIVANJU STATUSA OD POSEBNOG JAVNOG INTERESA I DRUŠTVENOG
ZNAČAJA ZA OPĆINU NOVO SARAJEVO ZA UDRUŽENJA DJECE I ODRASLIH SA
POTEŠKOĆAMA U RAZVOJU

Član 1.
(Predmet)

Ovom Odlukom, utvrđuje se status od posebnog javnog interesa i društvenog značaja za Općinu Novo Sarajevo za udruženja djece i odraslih sa poteškoćama u razvoju (u daljem tekstu: Općina).

Član 2.
(Javni interes)

Javni interes predstavlja zaštitu prava i interesa djece i odraslih sa poteškoćama u razvoju kroz odgovarajuću ulogu lokalne zajednice u smislu stvaranja uslova kako bi se postigao napredak u njihovoj integraciji u društvo, te kako bi im Općina kroz projekte obezbijedila što bolji ambijent za inkluziju i integraciju u društvo.

Član 3.
(Način ostvarivanja javnog interesa)

- (1) Javni interes iz člana 2. ove Odluke realizovat će se putem udruženja koja djeluju na području Općine i sarađuju sa Općinom, čime značajno doprinose stvaranju uslova da navedene kategorije društva dobiju neophodnu pomoć i podršku, te ravnopravan status i integraciju u društvo.
- (2) Javni interes, iz člana 2. ove Odluke, ostvarivati će se davanjem podrške programskim ciljevima udruženja, međusobnom saradnjom u projektnim aktivnostima, kao i na druge načine, a kroz osiguranje finansijskih sredstava u Budžetu Općine, u skladu sa mogućnostima.

Član 4.
(Nosioci aktivnosti)

Nosilac aktivnosti koji će provoditi javni interes je:

- Udruženje porodica djece i osoba sa poteškoćama u razvoju „Dajte nam šansu“.

Član 5.
(Finansijska podrška)

Općina Novo Sarajevo, ulica Zmaja od Bosne br. 55, centrala telefon (387 33) 492 100
Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.



(1) Udruženje iz člana 4. ove Odluke, čije su programske aktivnosti usklađene sa članom 2. ove Odluke, ostvaruje pravo na finansijsku i nematerijalnu podršku Općine. Finansijska podrška će se pružati u skladu sa planiranim budžetskim sredstvima za tekuću godinu.

(2) Kod utvrđivanja visine sredstava cijenit će se programske aktivnosti udruženja i ciljevi usklađeni sa javnim interesom iz tačke 2. ove Odluke, za godinu u kojoj se dodjeljuju sredstva, što će se regulisati posebnim Pravilnikom o uslovima i načinu dodjele sredstava udruženjima djece i odraslih sa poteškoćama u razvoju, sa statusom od posebnog javnog interesa i društvenog značaja za Općinu Novo Sarajevo, a koji donosi Općinska načelnica.

Član 6. (Osiguranje sredstava)

Zadužuje se Općinska načelnica da putem Službe za privredu, budžet i finansije rebalansom budžetskih sredstava obezbijedi sredstva na poziciji 614300 – Transfer sredstava za finansiranje udruženja od posebnog javnog interesa i društvenog značaja za podršku djeci i odraslim osobama sa poteškoćama u razvoju.

Član 7. (Prestanak javnog interesa)

Općinsko vijeće na prijedlog Općinske načelnice može utvrditi prestanak javnog interesa, iz člana 1. ove Odluke.

Član 8. (Realizacija)

Za realizaciju ove Odluke zadužuje se Općinska načelnica.

Član 9. (Stupanje na snagu)

Ova Odluka stupa na snagu osmog dana od dana objavljivanja u „Službenim novinama Kantona Sarajevo“.

Broj: 02OV-01-1-7619/25
Sarajevo, 31.07.2025. godine

PREDSJEDAVAJUĆI
Općinskog vijeća Novo Sarajevo
Mr. sci. Edison Pavlović